

**Uunga siunnersuut: Imaani avatangiisit illersorneqarnissaat pillugu Inatsisartut  
inatsisaat nr. xx, 2017-imeersoq**

*(Saqq.: Pinngortitamut, Avatangiisinullu Naalakkersuisoq)*

**pillugu**

**Eqqissimatitsinermut Avatangiisinullu Ataatsimiititaliap**

**ISUMALIUTISSISSIONTAA**

**Siunnersuutip aappassaaneerneqarneranut saqqummiunneqartoq**

Suliarinerani Ataatsimiititaliami uku peqataapput:

Inatsisartunut ilaasortaq Kelly Berthelsen, Inuit Ataqatigiit, siulittaasoq

Inatsisartunut ilaasortaq Knud Kristiansen, Siumut, siulittaasup tullia

Inatsisartunut ilaasortaq Ineqi Kielsen, Siumut

Inatsisartunut ilaasortaq Villy Olsvig, Inuit Ataqatigiit

Inatsisartunut ilaasortaq Henrik Fleischer, Partii Naleraq

Ulloq 21. April UPA 2017-ip nalaani siullermeerneqarnerata kingorna Ataatsimiititaliap siunnersuut misissorpaa.

**1. Siunnersuutip imaa aamma siunertaa**

Inatsisissatut siunnersuut marlunniq pingarnernik siunertaqarpoq, siullerlu tassaavoq imani avatangiisit pillugit inatsiseqarnerup nunani tamalaani inatsisinut atuuttunut naapertuuttunngornissaa. Aappaa tassaavoq Kalaallit Nunaanni avatangiisinut tunngasunut annertunerusumik naleqqussakkanik, aammalu imani avatangiisinut maleruagassiinermut Kalaallit Nunaanni kissaatigineqartut piumasaqaatigineqartullu aallaavigalugit, nutaanik maleruagassaqalersitsinissaq. Kissataavortaaq pinngortitap avatangiisillu illersorneqarnissaat, taamaalillunilu inuaqatigiinni ineriarornerup piujuartitsineq tunngavigalugu inuit inuunerannut atugassarititaasut ataqqillugit, aammalu uumassusillit ataqtiginnerannut piujuartitsisussamik tunngaveqarluni ingerlasinnaanissaa.

Inatsisissatut siunnersummi aalajangersakkat assigiinngitsut, mingutsitsinissap pinngitsoorneqavinnissaanik, mingutsitsisoqareernerani ajoqsiinerit

killilorsorneqarnissaannik, aammalu sananeqaatinik atortunillu ajoqusiisinnaasunik imaanut immallu silaannartaanut aniatitsisarnerup annikillisinnissaanik suliniuteqartoqarnissaanik siunnerfeqartut aqqutigalugit anguniarneqarpoq.

Inatsisisstatut siunnersuummi nutaaliornertut taaneqarsinnaapput upalungaarsimaneq aamma mingutsitsinermik alapernaarsuineq pillugit maleruagassat sukanernerusut, imaatigut angallannerup killilorsorneqarnissaa pillugu maleruagassat aammalu umiarsuarnut qimaannakkanut tunngatillugu akuliunnissamut nutaamik periarfissaqalernera. Nunani tamalaani maleruagassanit nutaanit, ilanngunneqartunit, taaneqarsinnaapput imeq oqimaaloquaasoq aamma uumasut takornartat pillugit maleruagassat kiisalu imaanut eqqakkanik imaarsisarneq pillugu maleruagassat sukanernerusut. Tamatuma peqatigisaanik inatsisisstatut siunnersuut inatsisaavoq sinaakkutissaq, tassa imaappoq mingutsitsinermik pitsaaliuinissaq pillugu peqqussutinik assigiinngitsunik arlalinnik pilersitsinissamik periarfissiisoq.

## **2. Siunnersuutip Inatsisartunit suliarineqarnera**

Inatsisisstatut siunnersuutip Inatsisartuni siullermeerneqarani partiit tamarmiusut isumaqataapput, inatsisisstatullu siunnersuutip suliarineqarnerata ataatsimiitaliami nanginneqarnissaa innersuussutigineqarluni. Aningaasatigut kingunissai eqqarsaatigalugit inatsisisstatut siunnersuut kommunini assigiinngitsuni tigussaasumik qanoq iliuuseqarfingineqassanersoq kiisalu maanna eqqagarpassuit nuna tamakkerlugu imaaninunamilu qanoq iliuuseqarfingineqassanersut partiit ilaasa oqaaseqaateqarnerminni ujartorpaat. Naalakkersuisoq tassunga atatillugu neriorsuivoq, apeqqutigisanut allakkatigut akissuteqarniarluni. (Ilanngussaq 1)

## **3. Tusarniaanermit akissutit**

Inatsisisstatut siunnersuut 2014-imi piffissami juunip 13-ianit juulip 18-ianut tusarniaassutigineqarpoq. Inatsisisstatut siunnersuut UKA 2014-imut nalunaarutigineqarpoq, Inatsisartunulli qinersinissaq pissutigalugu unitsinnejrarallarluni. Imaani avatangiisit pillugit inatsimmut inatsisisstatut siunnersummik nutaamik saqqummiussinnginnermi Inatsisartut ataatsimiinnerini tulliuttuni suliat allamut tunngassuteqartut salliutinneqarsimapput.

Ataatsimiitaliap maluginiarsimavaa, piffissami tusarniaaffiusumi tusarniaanermi tusarniagassatut naleqquttunit 52-iusunit 24-t tusarniaanermit akissuteqarsimasut.

Ataatsimiitaliaaq maluginiarsimavaa, inatsisisstatut siunnersummumt tusarniarneqartunit akissutit amerlanersaat inatsisisstatut siunnersummumt ilanngunneqarsimasut imaluunniit tusaatissatut tiguneqarsimasut.

Tusarniaanermit akissutit inatsisissatut siunnersuummut tapiliunneqarput, tamannalu ilusiliinissamut Inatsisartut Siulittaasoqarfianit piumasaqaatinut naapertuuppoq.

#### **4. Ataatsimiitaliap siunnersummik suliaqarnera**

Aalajangiiffigisassatut siunnersuutip aappassaaneerneqanginnerani ataatsimiitaliaq Pinngortitamut Avatangiisinullu Naalakkersuisumit paasissutissiilluni ataatsimeeqatigiinnissamut aggersarneqarpoq. Tassani Imaani avatangiisit illersorneqarnissaat pillugu Inatsisartut aalajangiiffigisassaattut siunnersuut aamma maanna Kalaallit Nunaanni aningaasarsiornermut killeqarfimmi imaani avatangiisink allanngutsaaliuinissaq pillugu inatsimmut Namminersorlutik Oqartussat tapersiinissaat pillugu aalajangiiffigisassatut siunnersuut Pinngortitamut Avatangiisinullu Naalakkersuisup saqqummiuppai. Siunnersuutinut marluiusunut Naalakkersuisut inassutaat akuersaarnartinneqaqaaq, tassanimi Naalakkersuisumit taaneqarami Inatsisartut inatsisissaattut siunnersuut ukiut arfineq pingasut missaani ingerlanneqarsimasoq. Inatsisartut inatsisissaattut siunnersuutikkut siunertaavoq sillimaniarneq pillugu maanna nunat tamalaat piumasaqaataannut naleqqussarneqarnissaq, minnerunngitsumillu imaani illersuinissaq piumasaqaataanera. Inatsisissatut siunnersuutip siunertaraatkaarqaaq inuussutissarsiutit pingaarnersaata illersorneqarnissaa, 200 s̄omilinimmi killeqarfiup iluani aalisakkanik pisarineqartartunit isertitat Kalaallit Nunaanni aningaasaqarnerup inisisimaneranut tunngaviulluinnartuummata.

Inatsisissatut siunnersuutip siullermeerneqarnerani Naalakkersuisoq ilisimatitsivoq qallunaat avatangiisinut maleruagassaannik, 3 s̄omilip avataanut avammullu Kalaallit Nunaata aningaasarsionikkut killeqarfiata tungaanut atuuttumik Danmarkimi avatangiisinut Ministereqarfik nutarsaanernik assingusunik suliaqartoq. Siunertaagaluarpoq inatsisit marluk taakkua ataatsikkut atuutilersinnaassasut. Kisiannili danskit inatsisissatut siunnersuutaannut piffissamut pilersaarut allangortinneqarpoq, aammalu danskit maleruagassiai aatsaat ulloq 1. januar 2018 atuutilersinnaassasut naatsorsuutigineqartoq. Tamannali inatsisissatut siunnersuutip matuma atuutilernissaanut apeqqutaanavianngilaq. 200 s̄omilinik killeqarfiup iluani mingutsitsisup akiliisarnissaanik ataatsimiitaliap inatsisissatut siunnersuutip siunertaa tapersersorpaa, minnerunngitsumik immami avatangiisink illersuinissamut Kalaallit Nunaat sakkussaqalermat.

Ataatsimiitaliap naammagisimaarpaa, inatsisissatut siunnersuut maanna nunat tamalaat isumaqatigiissutaannut naleqqussarneqarsimammat, peqatigisaanillu imaani avatangiisit inatsisissatut siunnersuummi illersorneqarmata.

Tamanna tunngavigalugu ataatsimiitaliap siunnersuut isummersorfigivaa, isumaqatigiissutigalugulu inatsisissatut siunnersuut tapersersorniarlugu.

#### **5. Siunnersuutip aningaasatigut kingunissai**

Siunnersuutip piviusunngortinneqarnerani aningaasatigut kingunissai siunnersuutip nalinginnaasumik nassuiaatitaani imm. 3-mi 4-milu allannikuupput. Taakku ataatsimiitaliamit tusaatissatut tiguneqarput.

## 6. Ataatsimiititaliap inassutaa

**Taamaalilluni      ataatsimiititaliap      isumaqatigiittup      inassutigaa      siunnersuut  
akuerineqassasoq.**

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.

---

Kelly Berthelsen,  
Siulittaasoq

---

Knud Kristiansen

---

Ineqi Kielsen

---

Villy Olsvig

---

Henrik Fleischer